



Republika e Kosovës – Republika Kosova  
Paneli Zgjedhor për Ankesa dhe Parashtrësia  
Izborni Panel za Žalbe i Predstavke

**Anr.547/2021**

**Paneli Zgjedhor për Ankesa dhe Parashtrësia (PZAP)**, në panelin e përbërë nga gjyqtarët: Rustem Thaqi kryesues, Afijete Sada - Glllogjani, Adnan Konushevcu anëtarë, duke vendosur lidhur me apelin e parashtruar nga Fatmir Hasani, kandidat i pavarur për Kryetar të Komunës së Mitrovicës së Jugut, paraqitur ndaj Vendimit të KQZ-së, me Nr.2085-2021 i datës 26.08.2021, për shkak të mos certifikimit për pjesëmarrjen në Zgjedhjet Lokale 2021, që do të mbahen me datën 17 Tetor 2021, në seancën e panelit të mbajtur me 30.08.2021, mori këtë:

## V E N D I M

**REFUZOHET** i pabazuar apeli Anr.547/2021 i datës 28.08.2021, i parashtruar nga Fatmir Hasani, kandidat i pavarur për Kryetar të komunës së Mitrovicës së Jugut, paraqitur ndaj Vendimit të KQZ-së, me Nr.2085-2021 i datës 26.08.2021, për shkak të mos certifikimit për pjesëmarrjen në Zgjedhjet Lokale 2021, që do të mbahen me datën 17 Tetor 2021.

## A r s y e t i m

Me datë 28.08.2021 PZAP-i, ka pranuar një apel nga Fatmir Hasani, kandidat i pavarur për Kryetar të Komunës së Mitrovicës së Jugut, në të cilin pretendon se nuk pajtohet me vendimin e KQZ-së, për mos certifikimin e tij, sepse sipas tij deri më tani nuk është dënuar për asnjë vepër penale për 3 vitet e fundit. Më tej thekson se Gjykata Themelore e Mitrovicës, i ka shqiptuar një gjobë në vlerë prej 200 euro, të cilën gjobë i njëjti e ka paguar.

Parashtruesi i apelit si provë ka bashkangjitur kopjen e Urdhërpagesës së Gjykatës dhe Fletëtransferin e gjobës së paguar në postë.

PZAP-i, me datën 28.08.2021 ka dërguar Komisionit Qendror të Zgjedhjeve (KQZ), kërkesën për përgjigje në ankesë. Zyra për Regjistrimin e Partive Politike ZRPPC-KQZ, ka bërë përgjigjen në ankesë më datën 29.08.2021, në të cilën theksohet se në kuadër të obligimeve ligjore sipas nenit 29 të Ligjit të Zgjedhjeve të Përgjithshme-LZP-së, Zyra ka bërë verifikimin e dokumentacionit të gjithë kandidatëve nëse të njëjtit kanë ndalesa që do të ia bënin të pamundur kandidimin e tyre për Zgjedhjet Lokale 2021.

Më tutje në përgjigje thuhet se në kuadër të verifikimeve, Zyra me datë 22 Gusht 2021, i ka dërguar shkresë Këshillit Gjyqësor të Kosovës, që ti siguroj KQZ-së, se emrat e individëve nga lista e tyre që me vendim të gjykatës iu është hequr e drejta për të qenë kandidat apo janë shpallur fajtor për veprat penale me një vendim përfundimtar të gjykatës në 3 vitet e fundit.

Më datë 24 Gusht 2021, Zyra për Certifikim, nga KGJK, ka pranuar shkresën me të cilën kandidati Fatmir Hasani, kandidat i pavarur për kryetar të komunës së Mitrovicës së Jugu është identifikuar se është i dënuar me Aktgjykim të plotfuqishëm Pnr. 284/2017 të datës 30.10.2018.

Paneli, pasi që shqyrtoi dhe vlerësoj apelin, gjeti se:

### **Apeli është i pabazuar**

Paneli, vlerësoj lejueshmërinë e apelit dhe ka ardhur në përfundim se i njëjti i plotëson kushtet e përcaktuara me nenin 122 të LZP-së, dhe nenin 10 të Rregullës Nr. 02/2015 - Rregullat dhe Procedurat e PZAP-it.

Pretendimet ankimore të parashtruesit të apelit se nuk pajtohet me vendimin e marr nga KQZ-ja, lidhur me refuzimin për certifikimin e tij për garën e kandidatëve për Kryetar komune në Mitrovicën e Jugut, sepse sipas tij deri më tani nuk është i dënues për asnjë vepër penale për 3 vitet e fundit.

Paneli, vlerëson se pretendimet e parashtruesit të apelit janë të paqëndrueshme dhe të pabazuara në ligj, sepse neni 29 par.1 pika q) i LZP-së, përcakton se cilido person, emri i të cilit paraqitet në Listën e Votuesve, është i përshtatshëm për certifikim, përveç nëse personi është shpallur fajtor për vepër penale me një vendim përfundimtar të gjykatës në tri (3) vitet e fundit, siç edhe është në rastin konkret ngase parashtruesi i apelit me Aktgjykimin e plotfuqishëm P.nr. 284/2017 i formës se prerë me datë 30.10.2018 me të cilin është shpallur fajtor për vepër penale.

Mbi këtë bazë, Paneli konstaton se KQZ-ja, me rastin e marrjes së vendimit Nr. 2085-2021 të datës 26.08.2021 drejt ka zbatuar dispozitën ligjore të nenit 29 par. 1 pika q) të LZP-së, pasi që i njëjti është shpallur fajtor për vepër penale me aktgjykim përfundimtar në tri (3) vitet e fundit, sipas Aktgjykimit të plotfuqishëm Pnr. 284/2017, i formës se prerë me datë 30.10.2018, dhe me këtë vendim të KQZ-së, i cili ishte i rekomanduar nga ana e ZRPPC-së, i njëjti nuk është certifikuar dhe se çdo pretendim në apel mbi këtë bazë është i paqëndrueshëm.

Fakti se parashtruesi i apelit pretendon se dënimi i shqiptuar është paguar dhe se nuk ka dënim tjetër, për Panelin rrethanat e tilla nuk krijojnë mundësi për përshtatshmërinë e kandidatit bazuar në kufizimet e përcaktuara në nenin 29 par 1 pika q) të LZP-së, nga se kjo dispozite ka përcaktuar tri kritere, që të jetë shpallur fajtor për vepër penale, që të jetë dënues në tri vitet e fundit dhe që vendimi të jetë i formës së prerë, për pasoj në rastin konkret që të tri këto kritere ligjore plotësohen dhe se sipas LPZ-së, për tu certifikuar kandidati për deputet duhet shikuar vetëm se a plotësohen këto tri kritere ligjore nga neni 29.1. pika q) të LZP-së.

Prandaj, nga arsyet e theksuara më lart si dhe duke u bazuar në dispozitat e nenit 117 par.3, 118 par.1, 122 par.1 pika b) të LZP-së, si dhe nenit 11 par.6 të Rregullës Nr.02/15 të PZAP-it, vendosi si në dispozitiv të këtij vendimi.

### **Paneli Zgjedhor për Ankesa dhe Parashtrësia**

Anr. 547/2021 më datën 30.08.2021.



**Këshillë Juridike:** Kundër këtij vendimi është e lejuar ankesa sipas nenit 118 par. 4 të LZP-së, në Gjykatën Supreme të Kosovës, brenda njëzetekatër (24) orëve nga momenti i marrjes pranimit të këtij vendimi.